

0,00 €

#14 - Autunu 2012 - [www.apiazzetta.com](http://www.apiazzetta.com)

# A PIAZZETTA

GIURNALE SCHERZOSU PULITICAMENTE SCURETTU È CERTE VOLTE APPENA GATTIVU

## A DISNEYLANDIZAZIONE DI A CORSICA



# ATTUALITÀ

**13/6 - «Trois ans de prison pour le Rambo qui a braqué 23 bidasses en goguette»** (Corse-Matin). In Sulinzara, un omu solu di 48 anni addisperatu da u tazzu fattu a notte da militari riesce à terrorizalli. Ci spiega : « Avec l'arrivée des militaires, c'était le bordel depuis quinze jours, ils faisaient tous les soirs la fête avec de l'alcool, de la musique à fond ; il y en avait même qui se baladaient à poil (...) Ce soir, c'est moi qui fous le bordel ! » U Rambò l'hà ancu scrucunati, fendusi rimette 50 € à chjocca : « un militaire tenait le fusil pendant que je comptais les billets». L'armata francese pò veramente inchieta.

**26/6 - «Coofficialité de la langue corse : «un projet dangereux» pour FO»** (Corse-Matin). In u 2012, ci n'hè sempre chì pensanu chì a lingua corsa pò esse « periculosa ». Ch'elli ùn s'inchieta, da quì à pocu ùn ci ne serà più.

**26/6 - «Il bouffe un chien après avoir fumé du cannabis synthétique.»** (lesinrocks.com)  
L'umanità avanza.

**29/6 - Smarrisce Dédé Nobili**, canterinu è pueta, autore di parechje canzone di i Chjami Aghjalesi. Quantu liceani corsi averanu amparatu a nostra storia è pigliatu cuscenza di u macellu di a guerra di 14 cù «Le Chemin des Dames» è «A Ballata di Mattea» ?

**1/7 - In a grande seria** «campemu in un paese di scemi» : Petrusella : un espace remarquable massacré pour accueillir un concert écolo. (ulevante.fr)

**8/7 - 30 dopu à a mezafinale Francia – RFA** in Siviglia è l'attentatu di Schumacher nant'à Battiston, ci n'hè chì biscanu sempre : «40 tombes de soldats allemands profanées dans les Ardennes.»

**Fucilata à kalachnikov** in una buatta di Notte di Cambrai : 2 morti. Era ora chì u Nordu scopri i piacè semplici di a vita.



9/7 - **Cunferenza di stampa** di u FLNC novu. A metà di a Corsica hà un alibi : in listessu tempu ci hè Calvi on the Rocks.

11/7 - **Colombie : des villages indigènes se rebellent** (LeMonde.fr) : «Le gouvernement ne va pas être capable, les militaires non plus, d'en finir avec la guérilla. Nous si.» In Corsica, a sola riazzone à a guerra trà di bande maffiose hè : « je condamne fermement » è «povera Corsica, ùn ci ne surteremu mai».

14/7 - «**Vague d'annulations de festivités pour le 14 juillet en France**» (LeMonde.fr). U tempacciu hè un patriottu quist'annu.

**Prima à i toi, dopu à l'altri s'è tù poi.** In Cervioni, u consiglieri generale Pierre-Louis Nicolai hà inauguratu u carrughju... Pierre-Louis Nicolai. Poutine l'avia sunniata ma ùn avia riesciutu à falla.

16/7 - «**Deux indépendantistes savoyards volent 38 drapeaux français le 14 juillet**» (AFP) Quale pò fà megliu ?

20/7 - **Maledizione di a Foir'fouille**, parechji magazini sò brusgiati. Si ne v'è un pezzu di u patrimoniu corsu di l'annate 2010.

24/7 - **Un misteriosu vincitore di u lottò** ùn s'hè micca manifestatu. Corse-Matin s'interrugheghja : «Et si c'était un touriste ?» Semu veramente casticati.

29/7 - **Duie donne** (una di 72 anni, l'altra cù u so figliolu) sò state minate perchè facianu una inchiesta nant'à a privatizzazione di u liturale in Cala di Figa, vicinu d'Aiacciu. Aiò francamente ! Qessa ùn si face ! Dinunzià l'occupazione illegale di u liturale. Eppo chè torna ? Perchè micca dumandà à u Statu ch'ellu fia rispettà e lege !

31/7 - «**Saison touristique 2012 : les voyants sont au rouge**» (Alta Frequenza). Forse saria ora di cambià d'ecunomia è di sorte di u tuttu turisimu è u tuttu BTP...

2/8 - **Nanzu à a rinfriscata di Santa Maria**, eccu u miraculu di Maria Guidicelli. L'letta di a CTC ci l'hà fattu à presentà un prugettu di Padduc induve



5/8 - **Corsica 1 – Francia 0** : «Le chef d'état-major des armées, l'amiral Édouard Guillaud, se blesse sur le GR 20.» (Corse-Matin)

si parla di ufficialità di a lingua corsa. Ancu François Tatti ùn hà micca vutatu contru. **«Ils ne revendiquent pas, ils produisent, ils sont. Et ils sont fiers d'être un peuple de bergers».** Paul-Jo Caitucoli à prupostu di i Sardi in Corse-Matin.

**7/8 - Bellissimu sugettu in l'emissione** «50 minutes inside» di TF1 nant'à e case di ricchi peoples in Corsica. Spiega un agente immobiliare specialistu in e case di pippulacci : «un peuple peut se balader sans se faire importuner par les Keurses». L'indigeni si sò civilizati, i pippoli sò cuntenti.

**9/8 - Corse-Matin : «Les Corses plus** indèpendantistes aujourd'hui qu'il y a 40 ans : 2% en 1975, 6% en 1998, 12% en 2012...» In l'annu 2634 duveria andà.



**Videò nant'à Calvi on the Rocks** nant'à u situ Vice.com : «Cela fait 10 ans que les organisateurs parisiens ont compris que la Corse belle et sauvage, tout le monde s'en tape un peu». Eccu, cusì hè più chjara.

**11/8 - Dopu à l'assassiniu di Maurice Costa :** «tous les interpellés ont été relâchés» (Corse-Matin). Avemu avutu a paura chì a pulizza fia u so travagliu.



**13/8 - Crisa in un aviò di a CCM :** «Un gosse en colère noire retarde le vol les parents débarqués voient rouge (...) un enfant de 4 ans a empêché le Paris-Ajaccio de décoller à l'heure mardi dernier. La famille a dû quitter l'appareil.» Spiega a mamma à Corse-Matin : « Le commandant de bord nous a obligés à sortir, à la demande d'un passager. Nous avons été mis dehors comme des terroristes. Nous nous sommes sentis honteux. Au point que nous allons annuler nos vacances en Corse, nous avons pourtant une maison route des Sanguinaires dans laquelle nous venons passer tous nos étés... ». Quelli chì anu una residenza segundaria ind'è noi sò dunque dinù grosse croce.

**20/8 - Segondu à Jean-Marc Furlan,** intrenore di Troyes (è anzianu ghjucadore di Bastia in l'anni 80) i clubs corsi sò favurizati : « C'est la réalité. Si tu es parmi les plus petits budgets et si tu n'es pas un club insulaire (Corse), t'es de la baise face aux institutions, et je choisis mes mots. » (leiosport.com). U lindumane, i clubs corsi professionali anu tutt'è trè trè ghjucadori espulsi. Furlan, torna unu chì hà capitu tuttu à u futbol.

**24/8 - U golf di Sperone** hè à vende pè 20 milioni d'euros. È s'è no lanciavamu un Speronethon pè ricuperallu ?

**25/8 - «Deux anciens joueurs de l'ACA** et du SCB blessés dans une rixe à la sortie d'une boîte à Cannes» (Corse-Matin). Stunante chì Thiriez ùn appia micca reagitu.

**26/8 - Adrian Mutu** à u Canal Football Club : «la Corse, c'est pas la France». Aspettemu a cundannazione d'Emile Zuccarelli.



**29/9 - Sò cascati i sciffri di l'estate** : 16 000 disoccupati, crescita di u disimpiegatu di 2,3% in Corsica contr'à 1,3% à u livellu naziunale. Ma ancu di grazia « il faut développer le tourisme, ça va créer des emplois ».

**30/8 - DSK hè scuzzulatu in Alta Rocca** perchè hà traversatu un terrenu privatu. Tutti i ghjorni, si vendenu terreni à fresteri ma tandu, nimu ùn si n'indegna.

**3/9 - «A Bastia, une note demande** aux policiers prise d'empreintes systématique y compris pour affaires mineures» (France 3). Andate à purtà una lagnanza è serete fisciatu. Custi dinù, nimu ùn si

n'indegna.

**A municipalità bastiaccia investisce** per u nostru avvene : «Nouveau cimetière de Bastia : 600 concessions et un crématorium» (Corse-Matin)

**4/9 - Mentre stu tempu, in Catalogna** : «Une commune catalane se déclare «territoire libre» et exige une déclaration d'indépendance» (AFP).

**6/9 - Foot transfert** : «Xavier Dupont de Ligonnès à Bastia» (Corse-Matin).

**9/9 - Una «nuit bleue»** face picculi disgrasti contr'à une pochi di supermarchés. Panicca nera nant'à Facebook, a ghjente anu a paura d'ùn più pudè fà e so spese è di morre di fame. Trippiu assassinatu in a Scala di Santa Regina. E riazazione sò state : «je condamne fermement», «on va jamais s'en sortir « è «povera Cursichella». Avanzemu.

**17/9 - L'agenzia bastiacci** di Corse-Matin hè mitragliata, ma nimu capisce perchè.

**22/9 - I CRS festighjehjanu** à a so manera a vittoria di u PSG contr'à Bastia (4 à 0), à colpi di matracche è di lacrimò.

**7/10 - “Manger neuf fois par jour serait bon pour perdre du poids.”** (Huffington Post) Hè a sola bona nutizia ch'è no avemu trovu pè stu mese.

**10/10 - “La tribu la plus menacée au monde paralyse une voie ferrée”** (situ di l'ONG Survival). À u Bresile, una piccula tribù indiana si batte per ùn perda a so terra. I Corsi elli, vendenu a soia è di tutte e manere tuttu u mondu si n'impippa s'è no blucchemu u trenu.

**16/10 - Torna dui morti in Corsica** chì portanu à sedeci u nùmeru d'assassinii. I Corsi anu infine trovu a suluzione à u so prublema demograficu : si sterpanu trà d'elli.

18/10 - Un giornalista di Time s'inchietta : Rihanna manca di vocabulariu. Spiega chì una canzona deve avè trà 100 è 300 parolle. In e so ultime canzone, si conta solu trà 40 è 67 parolle.



23/10 - «Quelle image on donne de la Corse

aux Français ?» Cinque minuti di picculi azzuffi in u derby ACA – Sporting inchietta a ghjente. Cù 500 morti in 20 anni, saria forse ora d'inchietacci piuttosto di a fiura di stu paese chè no demu à i nostri figlioli.

25/10 - U dittatore nord cureanu Kim Jong-un hà fattu fucilà un generale di l'armata. Mutivu : un avia micca rispettatu u dolu per u so babbu. L'omu avia... betu alcool dopu à a morte di Kim Jong-il. Mancu più u rispettu di i morti...

28/10 - Felix Baumgartner, l'austriacu diventatu idole mondiale dopu à u so saltu da a stratosfera, dichjara à un giornale ch'ellu hè partigianu d'una «dittatura muderata». Glups. A demucrazia hè prumessa à un bellu avvene.

29/10 - «Non, nous ne sommes pas dans le tout-tourisme», u direttore di l'Agenza di u Turisimu di a Corsica l'hà detta à Cuntrastu. Uf ! Aviamu a paura di u cuntrariu, simu rassicurati.

## Evuluzione



# E NEWS DI A BETTUNIZAZIONE

## TOUT VA PIANO À PIANA ?

Vistu nant'à ulevante.fr : U PLU (plan local d'urbanisme) di a cumuna di Piana (circa 400 abitanti) prevede a custruzione di 600 residenze nove (nant'à

70 ettare) in Arone. Ancu di grazia, l'anzianu merre è attuale primu agiuntu incaricatu di l'urbanisimu, Nicolas Alfonsi, si presenta cum'è u più grande ecologista di Corsica è un grande difensore di u liturale. Chì saria statu sinnò...



## TORRA GENUVESE À VENDE NANT'À INTERNET

Nant'à u situ internet d'un'agenzia immobiliare corsa, si pudia truvà un annunziu per un terrenu cù una torra genuese in Casalgione. 500 anni di storia pè 963 000 €. Qui dit mieux ?

## I RUSSII COMPRANU, I CORSI VÈNDENU

Vistu in L'Express. Un miliardariu russiau hà cumpratu più di 500 ettari di terreni in Balistra pè 18,6 milioni d'euros. Ma pocu dopu, i so terreni sò stati dichjarati micca custruttibili da a municipalità (ma sin'à quandu ?) ciò chì hà fattu nasce un grande imbrogliu. Oghje, u riccone asi caccia cù u prumutore immobiliare è osteriaghju Jean-Noël Marcellesi, chi hà fattu l'intermediariu per a vendita di sti terreni. L'Express dice d'ellu: "Marcellesi est la bête noire des écologistes pour avoir édifié illégalement une soixantaine de villas dans la baie de Santa Giulia. Le permis de construire de ces bâtiments a été annulé par le Conseil d'Etat en 2006, mais leur démolition n'a jamais été ordonnée". In Corsica dice ch'ellu ùn hè micca in cuntattu cun d'altri russii : « Depuis 25

ans, j'ai accompagné des centaines de clients plus ou moins fortunés dans leurs projets d'installation en Corse. » Tuttu v'è bè.

## À L'ACCORTA

• «La France voit la crise du logement neuf s'accroître. Le plongeon pour les constructions est très fort pour certaines régions... sauf la Corse : +64,1%» (AFP). Vi stona ?

• In u 2012, più di 13 000 permessi sò stati accurdati in sei mesi in Corsica (ulevante.fr).

• Un pastore hè spatrunizatu da un terrenu agriculu in Sant'Antuninu pè pudè custruisce un parking è pudè accoglie i turisti. Tuttu v'è bè.

• In Sàrrula Carcupinu, un prugettu di paese novu hà da nasce : 1000 alloggi surtiti da indocu à u centru d'una zona commerciale tamanta di 65 000 m<sup>2</sup>. Benvenuti in Corsicaland (Corse-Matin).

• In Petrusella, Jean-Bernard Lafonta, anzianu pdg di u gruppu Wendel hà custruitu a so villà nant'à u mare. U Statu lascia fà. Perchè ? (ulevante.fr)

• In Oletta, parecchje terre agricole sò state classate «da urbanizà» è lagate à l'immobiliare è à a speculazione.

# MANDATE I VOSTRI SMS IN LIGUA CORSA

A lingua francese hà i so «LOL»,  
i so «kikou» è si sò «MDR».  
È in corsu ? Iè, hè pussibile...

**LONGU.** = Trovu ch'è tù  
si veramente  
longu à vene.

**OH !** = salute, cumu  
stai oghje ?


HEU ! = kikou  
KIF ? = chì faci ?  
GHJNG = ghjungu  
TASP = t'aspettu

SPCT = spicciati !  
MCF ? = ma chì faci ?  
VAB ? = và bè ?  
BNNT = bona notte  
STAZ = sta sera  
TRGZ = ti ringraziu

MIP = mi piace  
MIP AAA  
= mi piace assai  
assai assai

**TTVB**  
= tuttu va bè

**KI MACC**  
= u sporting hà persu





**MNF** = mi n'infuttu

**VAFL** = vai à fatti leghje

**MISTUM** = mi stumachi

**TMIC !** = ti manghjīnu i corbi !

**KIFCC** = chī facciaccia...

**TTGC** = ti tengu caru

**MMKI** = mi manchi

**A DP**

= à dopu

**A DM**

= à dumane

**A PRST**

= à prestu

**TENIMACAP** = tenimi à capu

**TITENGACAP** = ti tengu à capu

**NIMP** = n'importa chè

**PIT** = panza in terra

**CHJMM** = chjamami

**VAP** = vai pianu

**KIB STAZ ?**

= chī bei sta sera ?

**MAT STAZ !**

= metti a toia sta sera !

**smirallu**<sup>®</sup>

**PEPPERMINT**

Le vert vous va si bien



# DISNEYLANDIZAZIONE DI A CORSICA

**È si a Corsica era in traccia di diventà un grande parcu d'attrazione pè turisti, induve i Mickey è i Pluto sò i Corsi ?**

**I paesi-musei.** Certi paesi è certi quartieri di cità sò cusì belli ch'elli sò diventati unicamente lochi pè turisti è i prezzi sò crisciuti. I più maligni anu fattu cummerci aperti dui mesi à l'annu o facenu lucazione pè l'estate. Corsi ùn ci n'hè più.



**I falsi Corsi in plàsticu.** A Corsica hè tocca da un veru prublema : Corsi à l'usu anticu ùn ci n'hè più. I vechji chì fermanu ùn sò micca abbastanza autentichi. Allora ci vulia à fà « veri corsi ma falsi », in plàsticu.

**I falsi paesi ricostituuti.** In Portivechju, un « falsu paese corsu autenticu » hè in traccia di custruiscesi. U so nome : « Petra Suprana ». Tuttu hè artificiale è a



publicità parla di « un village à l'ancienne avec des maisons en pierre ! ». I turisti sò cuntenti, vanu à piglià i ritratti. Ma ùn v'inchietate, i Corsi ùn ci ne serà micca nentru. Troppu caru.

**A passione di u passatu.** À rombu di sacralizà a cultura corsa, diventa santuarizata, fussilizata in u passatu. I Corsi sò passatisti è passiuati di i « tempi



fà »... È s'è no circavamu piuttosto à campà in a nostra epica, invece d'idealizà u passatu ?

**Cultura low cost.** I canti avianu una funzione suciale. Quella di riunisce a ghjente. Oghje, ùn si canta più pè u piacè è paghjelle in i caffè ùn ci n'hè più. S'ellu si canta hè « pour faire un groupe pour faire des animations ». Sempre l'idea di mustrassi, di cantà pè l'altri è pè i soldi.

**A rubaccia à manghjà.** Broutch, figadèl, londzeau, saucisson d'âne... A dumanda pè manghjà rubaccia hè forte è certi n'anu fattu u so business. Nanzu,

sta rubaccia era unicamente pè i turisti. Avà diventa difficile di trovà manghjusca di qualità chì ùn sia micca cara...

**« J'adore les keurses, ils sont authentiques »**

»

U merchandising identitariu. Menu a ghjente hè sigura di a so identità, più perde a so cultura, più ci vole à mustralla. Avete a scelta : t-shirt, ribellu, autocollant « sò corsu », servietta di mare « souvent conquise jamais soumise »...

Viens voir les Keurses. A dicenu i pippulacci chi venenu in Corsica. « J'adore les keurses, ils sont authentiques ». È cumu semu cuntenti di riceve cumplimenti, ci piace à ghjucà u rollu di u « corsu autenticu », è dunque à fanne troppu.



*Pianu pianu, u tuttu turisimu trasforma i Corsi in animatori pè fresteri chì paganu per andà à vedelli. Ma à forza di perde a so terra, a so cultura è a so lingua, diventanu elli stessi strangeri in u so propiu paese.*



# E VERE DUMANDE CH'ELLU CI VOLE À PONESI

Quale serà u prussimu  
invitatu di Festiventu ?



L'organizatori di u Festival du vent anu avutu l'idea luminosa d'invità à Gilbert Thiel quist'annu. Finalmente stu specialistu di l'apertura di porte à 5 ore di mane è di u fusciasgiu sistematicu di i Corsi ùn hè micca venutu. Ma in 2013, quale serà à l'onore ? Philippe Broussard ? Jean-Pierre Chevènement ? Michel Charasse ? Christian Clavier ? Christophe Barbier ? L'arci-arci-arci figliulinu di Marbeuf ?

Induve ci serà u più  
drugati st'estate ?

Estate 2013 : trà Calvi on the Rocks è a banda di u Tour de France, chì serà a più forte concentrazione di consumatori di i prudutti illegali ?



???

??????

Perchè a SNCM vole  
cupià Costa Croisières?



Dopu à u fiascu di u Costa Concordia sprfundatu in Giglio, eccu chì u Napoléon Bonaparte s'hè annigatu in u portu di Marseglia. A sapiate chì a SNCM avia trasferitu ind'è ella u cummandante Schettino ?

Fidighjà à Geneviève  
Moindrot à Corsica Sera dà a  
brama d'entre à u fronte ?



Jean-Pierre Chevènement hè in piena forma : «La jeunesse corse est abandonnée à un endoctrinement qui passe par tous les canaux de communication : France 3, Radio France Fréquence Mora. Je ne parle même pas du rectorat et de l'université ». Hè vera chì da Corsica Sera à a surtita di notte pè plasticà, ùn ci hè chè un passu. Geneviève Moindrot è Stéphane Usciati sò sicuramente stati felici d'amparà ch'elli anu furmatu centinaia di terroristi.

# VISTU NANT'À INTERNET



Paul Giacobbi @pgiacobbi

26 Sept

Désolé de vous contredire mais je fais des courses au moins une fois tous les quinze jours dans des supermarchés...



## WWW.APIAZZETTA.COM

### L'articuli

i + letti

1. Sea, sex & coghju
2. Scappate ! Eccu a festa di a musica...
3. A Corsica hè bleu-blanc-rouge
4. U paese induve Sarko è Le Pen anu fattu o%
5. «Keurses, n'importunez pas les peoples»

i + commentati

1. Sea, sex & coghju
2. A Corsica hè bleu-blanc-rouge
3. I Canistrelli Clandestini facenu dibattitu
4. U paese induve Sarko è Le Pen anu fattu o%
5. I dinosauri anti-lingua corsa sò di ritornu



Quale ci hè nant'à stu ritrattu (realizatu senza photoshop) ?

- un DJ di a night from Ibiza
- un mittomanu chì face a musculazione
- un elettu di a CTC

parrechje risposte pussibile...

facebook

**abbonatevi**

**A Piazzetta hè un giornale fattu da una squadra di benevulenti**

A Piazzetta hè un giornale gràtisi chì esce tutti i trè mesi, publicatu grazie à u premiu Ghjovani in Mossa, l'Università di Corsica, a Corsica Ferries è a Fondazione di Corsica. I soldi raccolti da e pubblicità è da l'aiuti ci permettenu di pagà unicamente l'impressione di stu giornalettu.

Hè editatu da : L'associu Lingua Scritta - 1, carrughju Canònicu Bartoli - 20200 Bastia  
Hè statu stampatu in Corsica à 15 000 esemplarii.

Stamperia AZ Diffusion - Erbaghjolu - 20600 Bastia

Capiredattore : PPC - Redazione : PPC, AZ, MTG - Infograffista : PFC, FR - Macchetta : PFC, VB

Cuprendula : Flora Ambrosini

www.kalli-graphic.com

ISSN : 2101-9193 - [apiazzetta.com](http://apiazzetta.com)

Per avè a vostra pubblicità in u giornale, cuntattateci : [apiazzetta@free.fr](mailto:apiazzetta@free.fr)

Tél. : 06 20 68 89 15

*Ringraziamu à l'Unione Corsa d'Antibes per u so aiutu.*



**SUSTENITECI !**

A Piazzetta sorte tutti i trè mesi.

Abbonamentu :  4 nùmeri, 15 €  sustegnu, 30 €

Cummandà i vechji nùmeri :  20 €

nome

casata

indirizzu

Mandate u vostru sceccu à l'ordine di : Associu Lingua Scritta - 1, carrughju Canònicu Bartoli - 20200 Bastia

7 000 fans



1 400 followers



Caricate l'applicazione site 12 000 !



[www.corsicaferries.com](http://www.corsicaferries.com)

**sustene  
A PIAZZETTA**



## Concerts

# Corsic'Artisti

20h30

Università di Corsica  
Spazio Culturale Natale Luciani  
Campus Mariani, Corti



### I Messageri

Mardi 13 novembre 2012

### Pierre Gambini

Mardi 29 janvier 2013

### Francine Massiani

Mardi 20 novembre 2012

### Entre-temps et Choréadanse

Mardi 5 février 2013

### Aronne Dell'Oro

Mardi 27 novembre 2012

### LGDB

Mardi 19 mars 2013

### L'Attrachju

Mercredi 5 décembre 2012

### Barbara Furtuna

Mardi 26 mars 2013

### AC/DC Tribute Corsica

Mardi 11 décembre 2012

### Alte Voce

Mardi 2 avril 2013

La programmation culturelle du CCU c'est aussi du théâtre, des conférences, des studii è baratti et du cinéma.

Retrouvez le programme complet sur [www.univ-corse.fr](http://www.univ-corse.fr)



Tarif tout public : 10€

Tarif étudiant : 5€

Entrée libre : conférences, studii è baratti, ciné-club

### Renseignements

Università di Corsica Pasquale Paoli  
Centre Culturel Universitaire  
BP 52 - 20 250 Corte  
04 95 45 00 78  
[ccu@univ-corse.fr](mailto:ccu@univ-corse.fr)



Des entrées  
gratuites  
et des réductions  
pour les  
sorties culturelles

BD

LIVRES

MUSÉES

CINEMA

THÉÂTRE

FESTIVALS

DANSE

CONCERTS



Plus d'infos

N° Vert 0 800 001 004

APPEL GRATUIT DEPUIS UN POSTE FIXE

[www.passcultura.corse.fr](http://www.passcultura.corse.fr)

les pass  
c'est trop maC!